

ვებგვერდზე <https://tbcbank.ge/ka/agreements> განთავსებული „ფიზიკური პირის საბანკო ოპერაციების წარმოების შესახებ ხელშეკრულების“ (შემდგომში „ხელშეკრულება“) მე-15 მუხლის შესაბამისად, სს „თიბისი ბანკი“ გთავაზობთ ხელშეკრულებაში შემდეგი ცვლილებების / დამატებების შეტანას:

**1. ხელშეკრულების მე-4 მუხლის მე-3 პუნქტის რედაქცია შეიცვალოს და ჩამოყალიბდეს შემდეგი შინაარსით:**

„4.3. კლიენტისთვის ცნობილია, რომ „დეპოზიტების დაზღვევის სისტემის შესახებ“ საქართველოს კანონის შესაბამისად, 2026 წლის პირველი აპრილიდან, ყველა დეპოზიტორის დეპოზიტზე/ანგარიშზე არსებული თანხა, დეპოზიტების/ანგარიშების რაოდენობის მიუხედავად, თითოეულ კომერციულ ბანკსა და მიკრობანკში დაზღვეულია და დეპოზიტების დაზღვევის სააგენტოს მიერ ანაზღაურდება 50 000 ლარის ფარგლებში. კომერციულ ბანკში და მიკრობანკში ყველა დეპოზიტორის ყველა ანგარიშზე არსებული თანხა ავტომატურად დაზღვეულია დამატებითი საზღაურის გარეშე. დამატებითი ინფორმაცია იხილეთ დეპოზიტების დაზღვევის სააგენტოს ვებგვერდზე: [www.diagency.ge](http://www.diagency.ge).“

**2. ხელშეკრულების 21-ე მუხლის მე-2 პუნქტს დაემატოს 10-ე ქვეპუნქტი და ჩამოყალიბდეს შემდეგი შინაარსით:**

„21.2.10. ინტერნეტ/მობაილ ბანკში, როდესაც მობილური ტელეფონის ნომრის გამოყენებით ხდება სხვა საფინანსო ინსტიტუტის ბარათიდან ბანკის „ერთგულ“ საკრედიტო ბარათზე თანხის ჩარიცხვა, აღნიშნული თანხის კლიენტის საბანკო ანგარიშზე ასახვას, ბანკის პროცესებისგან დამოუკიდებელად, სჭირდება გარკვეული პერიოდი და კლიენტის მიერ ბანკის წინაშე არსებული ნებისმიერი ვალდებულების შესრულება/დაფარვა განხორციელდება თანხის კლიენტის საბანკო ანგარიშზე ფაქტობრივად ასახვის მომენტიდან. ზემოხსენებული გარემოების გათვალისწინებით, ბანკი არ არის პასუხისმგებელი კლიენტის მიერ ვალდებულებების შესრულებლობის მიზეზით წარმოშობილ ვადაგადაცილებაზე.“

**3. ხელშეკრულების 22-ე მუხლის მე-2 პუნქტის მე-6 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„22.2.6. ბანკს უფლება აქვს დააკავშიროს სხვადასხვა ვალუტის ანგარიში ერთ პლასტიკურ ბარათთან ან რამდენიმე პლასტიკური ბარათი ერთ საბანკო ანგარიშთან. ვალუტების პრიორიტეტულობას განსაზღვრავს კლიენტი. ინფორმაცია პლასტიკური ბარათის ანგარიშზე/ანგარიშებზე არსებული ნაშთის/ნაშთების შესახებ მითითებულია პრიორიტეტულ ვალუტაში, იმ დღეს ბანკის მიერ საბარათე ოპერაციებისთვის დადგენილი კომერციული კურსის შესაბამისად (კურსის შესახებ ინფორმაცია ხელმისაწვდომია შემდეგ ვებგვერდზე: <https://tbcbank.ge/ka/treasury-products?amount=100&ccyFrom=USD&ccyTo=GEL>).“

**4. ხელშეკრულების 22-ე მუხლის მე-3 პუნქტის მე-3 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„22.3.3. იმ შემთხვევაში, როდესაც ბარათით თანხების განკარგვა (ნაღდი ან/და უნაღდო წესით) განხორციელდება საბარათე ანგარიშის ვალუტისგან განსხვავებულ ვალუტაში, მაშინ ბარათის მფლობელის ანგარიშიდან მოხდება თანხის ჩამოწერა კონვერტაციის გზით. კონვერტაცია ბანკის ქსელში მოხდება ტრანზაქციის განხორციელების მომენტისთვის ბანკის მიერ საბარათე ოპერაციებისთვის დადგენილი კომერციული კურსით (კურსის შესახებ ინფორმაცია ხელმისაწვდომია შემდეგ ვებგვერდზე: <https://tbcbank.ge/ka/treasury-products?amount=100&ccyFrom=USD&ccyTo=GEL>), „ერთგული“ საკრედიტო ბარათის შემთხვევაში კი, ანგარიშსწორების (ტრანზაქციის კლიენტის ანგარიშზე) ასახვის) დღისთვის ბანკის მიერ საბარათე სისტემისთვის დადგენილი კომერციული კურსით. ბანკის ქსელის გარეთ კონვერტაცია მოხდება „ვიზას“ (Visa) ან „მასთერქარდის“ (MasterCard) მიერ დაწესებული კურსით, საბარათე ანგარიშებს შორის კონვერტაციის მაგალითები შეგიძლიათ იხილოთ შემდეგ ვებგვერდზე: <https://tbcbank.ge/ka/accounts?openAction=3fOD9LqL5fmm6pkGvS0Z7w>.“

**5. ხელშეკრულების 22-ე მუხლის მე-3 პუნქტის მე-9 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„22.3.9. კლიენტის მიერ ბარათით ბანკომატით, პოს ტერმინალით, ელექტრონული კომერციის ტერმინალით და ბანკში ტერმინალით ოპერაციის შესრულებისთანავე, ბანკი ახორციელებს თანხის ბლოკირებას შესრულებული ტრანზაქციის თანხის შესაბამისად. ბლოკირებისას, კონვერტაციის საჭიროების შემთხვევაში, გამოიყენება ბანკის მიერ საბარათო ოპერაციებისთვის დადგენილი კომერციული კურსი (კურსის შესახებ ინფორმაცია ხელმისაწვდომია შემდეგ ვებგვერდზე: <https://tbcbank.ge/ka/treasury-products?amount=100&ccyFrom=USD&ccyTo=GEL>). საბარათო ანგარიშის ვალუტისგან განსხვავებულ ვალუტაში ბანკის ქსელის გარეთ შესრულებული ოპერაციებისათვის, დამატებით გამოიყენება „ვიზას“ (Visa) ან „მასტერქარდის“ (MasterCard) მიერ დაწესებული კურსი (რომელიც ამავედროულად მოიცავს ბანკის დამატებით საკომისიოს), საბარათო ანგარიშებს შორის კონვერტაციის მაგალითები შეგიძლიათ იხილოთ შემდეგ ვებგვერდზე: <https://tbcbank.ge/ka/accounts?openAction=3fOD9LqL5fmm6pkGvS0Z7w>. „ვიზას“ (Visa) ან „მასტერქარდის“ (MasterCard) ბარათით განხორციელებული ტრანზაქციები გარკვეული პერიოდის შემდეგ აისახება კლიენტის ანგარიშზე. კლიენტის მიერ განხორციელებული ტრანზაქციების შესახებ ინფორმაციის მიღება შესაძლებელია ბანკის სხვადასხვა დისტანციური არხების მეშვეობით.“

**6. ხელშეკრულების 22-ე მუხლის მე-3 პუნქტის მე-10 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„22.3.10. თუ კლიენტის მიერ ბარათის (გარდა „ერთგული“ საკრედიტო ბარათისა) მეშვეობით განხორციელებული დავალების თანხა აღემატება დავალებაში მითითებული ვალუტის შესაბამის ანგარიშზე არსებულ ნაშთს (ან ანგარიშზე საერთოდ არ არის განთავსებული ნაშთი), დავალებით მოთხოვნილი თანხა სრულად ჩამოიჭრება დავალების (ტრანზაქციის) თანხის შესაბამისი ვალუტის ანგარიშიდან (აღნიშნულის არსებობის შემთხვევაში). თუ ბარათის ბლოკის თანხა შეესაბამება ტრანზაქციის თანხას, თანხის ჩამოჭრამდე, მოხდება ვალუტის შესაბამისი ანგარიშიდან ტრანზაქციის გასატარებლად საჭირო თანხის შეგროვება, ანგარიშზე არსებული ვალუტების პრიორიტეტულობის მიხედვით, სხვადასხვა ვალუტის ანგარიშებს შორის კონვერტაცია მოხდება ტრანზაქციის განხორციელების მომენტისთვის ბანკის მიერ საბარათო ოპერაციებისთვის დადგენილი კომერციული კურსით. თუ ბარათის (გარდა „ერთგული“ საკრედიტო ბარათისა) ბლოკის თანხა არ შეესაბამება ტრანზაქციის თანხას, მისი გატარებისას შესაბამისი ვალუტის ანგარიშზე წარმოიქმნება უარყოფითი ნაშთი არასაკმარისი თანხის ნაწილში, რომელიც იფარება პირველი პრიორიტეტული ვალუტის ანგარიშიდან, ხოლო იმ შემთხვევაში, თუ ამ პრიორიტეტული ვალუტის ანგარიშზე არ არის საკმარისი ნაშთი, უარყოფითი ნაშთის დაფარვა განხორციელდება რიგით მომდევნო პრიორიტეტული ვალუტის ანგარიშიდან. სხვადასხვა ვალუტის ანგარიშებს შორის კონვერტაცია მოხდება ტრანზაქციის განხორციელების მომენტისთვის ბანკის მიერ საბარათო ოპერაციებისთვის დადგენილი კომერციული კურსით. საბარათო ოპერაციებისთვის ბანკის მიერ დადგენილი კომერციული კურსის შესახებ ინფორმაცია ხელმისაწვდომია შემდეგ ვებგვერდზე: <https://tbcbank.ge/ka/treasury-products?amount=100&ccyFrom=USD&ccyTo=GEL>, ხოლო საბარათო ანგარიშებს შორის კონვერტაციის მაგალითები შეგიძლიათ იხილოთ ვებგვერდზე: <https://tbcbank.ge/ka/accounts?openAction=3fOD9LqL5fmm6pkGvS0Z7w>.“

**7. ხელშეკრულების 26-ე მუხლის მე-4 პუნქტის მე-10 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„26.4.10. ბანკის მიერ დაგროვების სერვისი „ჩემი ყულაბა“ გაუქმდება ყველა იმ ანგარიშის დახურვისთანავე, რომელზეც გააქტიურებულია ეს სერვისი ან/და ყველა იმ შერჩეული დეპოზიტის დახურვისთანავე, რომელზე თანხის დაგროვების მიზნითაც გააქტიურებულია დაგროვების სერვისი „ჩემი ყულაბა“.“

**8. ხელშეკრულების 26-ე მუხლის მე-4 პუნქტს დაემატოს მე-14 ქვეპუნქტი და ჩამოყალიბდეს შემდეგი შინაარსით:**

„26.4.14. დაგროვების სერვისის „ჩემი ყულაბის“ გაუქმებისთანავე ავტომატურად ვადაზე ადრე შეწყდება ის დეპოზიტი, რომელზე თანხის დაგროვების მიზნითაც გააქტიურებულია დაგროვების სერვისი „ჩემი ყულაბა“.“

**9. ხელშეკრულების 27-ე მუხლის მე-3 პუნქტის 9.1 ქვეპუნქტის რედაქცია შეიცვალოს და ჩამოყალიბდეს შემდეგი შინაარსით:**

„27.3.9.1. იმ გარემოებ(ებ)ის მნიშვნელოვნად შეცვლის შემთხვევაში, რომელთა არსებობის გამო ბანკმა მიიღო გადაწყვეტილება საკრედიტო ლიმიტის დაშვების/გაზრდის შესახებ ან/და ბარათის მფლობელის მიერ წინამდებარე ხელშეკრულებით ან საკრედიტო ლიმიტის დაშვების/გაზრდის განაცხადით/საბანკო კრედიტის ხელშეკრულებით ნაკისრი ვალდებულების დარღვევის ან/და ფორს-მაჟორული გარემოების დადგომის შემთხვევაში, ბარათის მფლობელისთვის წინასწარ შეტყობინების გარეშე, ნებისმიერ დროს, ცალმხრივად შეაჩეროს/გააუქმოს ბარათის მოქმედება ან გააუქმოს/შეამციროს/შეწყვიტოს საკრედიტო ლიმიტით სარგებლობის უფლება ან/და ბარათის მფლობელისთვის შეტყობინებით მოითხოვოს ბარათის მფლობელის მიერ ათვისებული თანხის (კრედიტის) დაბრუნება მისთვის დარიცხულ სარგებელთან და პირგასამტეხლოსთან ერთად ბარათის მფლობელის მიერ შეტყობინების მიღებიდან არაუგვიანეს 14 (თოთხმეტი) კალენდარული დღისა;“

**10. ხელშეკრულების 27-ე მუხლის მე-3 პუნქტს დაემატოს 22 ქვეპუნქტი და ჩამოყალიბდეს შემდეგი შინაარსით:**

„27.3.22. საკრედიტო ლიმიტის გაუქმება იწვევს „ერთგული“ საკრედიტო ბარათის გაუქმებას და შესაბამისი ანგარიშის დახურვას.“

**11. წინამდებარე დოკუმენტის 1-2 და 7-10 პუნქტებით გათვალისწინებული ცვლილებები ძალაში შედის ამ დოკუმენტის ბანკის ვებგვერდზე განთავსებისთანავე, ხოლო 3-6 პუნქტებით გათვალისწინებული ცვლილებები ძალაში შედის 2026 წლის 1-ლი მაისიდან.**